

天下名

天下名山圖詠卷之三

上海掃雲散人沈錫爵輯

江南

按江南禹貢揚州之域天文斗牛房心分野東顧瀕
海西接楚湘北連齊豫南引江浙而大江貫其中審
寰宇之全勢特偏隅爾而聲名文物貨財賦稅遂甲
天下豈地利固殊歟蓋自六朝分國南宋偏安夙為
都會其在勝國始稱輦下繼作陪京故冠蓋萃焉更
自吳越以來保境息烽民久不見兵革故生聚繁焉
其由來非朝夕矣然有未可概論者淮徐地跨中原
蘇松境臨海澠安地蔽江之上游鎮常當江之丁委
其要害殊也蘇常環震澤而為澤國蔽甯甯黃山而
為高阜廬州則民情而地不盡利鳳陽則地瘠而民
易告飢淮揚恒遭河溢之虞蘇松獨受賦重之累其

肥瘠殊也蘇淮鎮常當水道之衝
之衝江甯揚州兼水陸之衝其衝
之繁簡人情之富離風俗之奢儉
力之疲憊則不殊而概目之為豐
皆未履其地之言生斯土官斯土
者自知之視之為澆漓

鍾山

樞王廉州
太守奔於
鋤月館
沈錫齡



鍾山

明孝陵之鍾山在今江蘇江甯府城東北朝陽門外其山一名蔣山一名金陵山又名紫金山又名聖游山又名北山又名神烈山山高一百五十八丈周迴六十里明太祖陵在焉相傳阮孝緒母疾藥湏生人獲舊傳鍾山產獲徧歷幽險不得忽一鹿前導至則得之

王安石詩 小雨輕風落棟花細紅如雪點平沙
槿籬竹屋江村路
時見宣城賣酒家

楊維禎詩 鍾山突兀楚天西玉柱曾經御筆題
雲擁金陵龍虎壯
月明珠樹鳳凰棲氣吞江海三山小勢壓乾坤五嶽低
華祝聲中人仰止萬年帝業與天齊

壩山

上有棲霞寺
即明僧紹捨
宅處也介著



攝山


一名繖山在今江蘇江甯府城東北四十里高一百三十二丈周回四十里四面各起重嶺產攝生草故名山頂舊有周江乘傳云吳時人未詳名字

曾極詩 一丈唐碑今露立十尋梵塔已低摧層層石佛雲間出坐閱齊梁成劫灰

焦竑詩 古寺俯蒼茫東峰一磬長人天留色相臺殿自齊梁乳竇流泉滑風巖藥草香采藥心不薄吾欲問醫王

孫國教詩 地與人如待居隨岫勢緣谿谿非隔世灌莽別藏天庭滿初秋月江分未曙烟詩成妨定境蟄燕共幽偏

京口三山
即金山焦
山蒜山
分之則不
足以舉其
勝合之則
所以見其
勢也
梯雲散人
沈錫齡



涼三山

京口三山乃金山焦山蒜山也三山以金山為勝屹立揚子江中唐裴頭陀於此開山得金故名其山去鎮江府城七里山上有龍遊寺寺廊週山之趾而江水環寺檻之外隨波蕩漾飄紅映翠浴日凌霞每登妙高峰上遠望焦山海門歷歷可見而本山之樓臺殿閣森列足下令人心曠神爽真宇宙奧區古今勝處也呂祖謙曰久客江湖不見偉人昨在金山見滕元發乘小舟破巨浪來巍然使人神聳即此

杜荀鶴詩 僧愛無塵地江心島上居樓船山影瘦登陸路頭疎載土春栽樹拋生日放魚入雲蕭帝寺畢竟歆何如

鮑溶詩 一朵蓬萊在世間梵王宮闕翠雲間近南秋水更清淺聞道遊人未忍還

唐寅詩 鹿裘高士帝王師升竈猶存舊隱基日轉露臺明夜澈潮隨齋磬韻江湄天從西北開天塹地到東南缺地維翹首三山何處所却看身世使人愁

靈巖山

峯巒高峻
溪壑幽深
稼梅齡



靈巖山

吳宮舊地之靈巖山在今江蘇蘇州府西南二十五里一名硯石山乃吳王館娃宮之故地也下瞰太湖遠望洞庭滴翠叢碧恍在白銀世界中真宇內奇觀也

薛令之詩 草堂棲在靈山谷 勤苦詩書向燈讀 柴門半掩寂無人 惟有白雲相伴宿

劉禹錫詩 館娃宮外姑蘇臺 鬱鬱芊芊撥不開 無風自偃君知否 西子裙裾曾拂來

高啟詩 閒上高臺望下方 漁村樵塢盡蒼蒼 傾城人遠苔生逕 歸寺僧稀葉滿廊 雲散池邊流塔影 雨來閣外失湖光 廢興皆幻何須問 獨自吟詩送夕陽

茅山

三峰之北曰玉晨觀者
即所謂金陵地肺也
掃雲散人識於
鋤月館



茅山

漢茅氏兄弟昇仙之茅山一名句曲山一名己山又名岡山在今江蘇江甯府句容縣東南四十五里其山周迴一百四十里群峰攢立而最著者有大茅中茅小茅三峰相傳即茅氏兄弟三人隱居飛昇地道家所謂金壇華陽大洞天是也

皇甫冉詩 水流絕澗終日草長深山暮春犬吠鷄鳴幾處條桑種杏何人

曹大章詩 曲徑通懸閣輕車破紫芬忽疑身近日翻訝足生雲野色松陰合煙光鶴影分石臺間可坐瀟灑洞仙群

虎丘山

晉王司徒珣及弟司空琨之別墅
今為蘇垣勝地矣 沈錫齡



虎邱山

越絕書之虎邱山在今江蘇蘇州府城西北九里一名海湧山又名武邱山相傳吳王闔閭葬於此葬三日有白虎蹲踞其上因名或云秦始皇嘗登此將發吳塚有白虎出焉今其山中有劍池古鶴澗及千人石諸勝遊者常絡繹不絕云

鄒迪光詩 琳宮十二夜生光
車馬闌駢選佛場
水月競邀羅綺色
梅檀都作麝蘭香
林間度曲烏棲急
不上傳杯兔影涼
金鹿高墳勝遊地
玉魚銀海正茫茫

堯平山

昔稱群峰拱翠近世
因宋范文正公墓在故
俗呼曰范坟 介著



天平山

在蘇州府城西二十里其山巍然特立群峰拱揖最為峭崿俗呼為萬笏朝天蓋一郡之鎮山宋范文正公塚在焉

高啟詩

雙崖立幽闕一洞開深宇青嶂近為鄰白雲間作主不

受杜陵風可避河朔暑華棟幾回新渠渠獨千古

楊基詩

團團山上石下照太湖影如何一鑑中三萬六千頃

范成大詩

翠屏無路強攀緣我與枯藤各半仙不敢高聲天闕近

人間漠漠但寒煙